

est a Monaco atras sis tiaras. Tgei leis Vus raquintar cun quei cudisch?

Cura ch'jeu hai lantschau miu blog hai jeu survegniu biaras damondas, co ins

di, lu sa ensesez mintgin far el, pertgei jeu sun buca excepziunalmein fitta ni ferma e tuttina hai jeu purtau miu sacados sur la part centrala dallas Alps entochen Monaco.

seigi habla da far quei. En mias retschercas ella fasa dalla planisaziun hai jeu anflau pauc davart la ruta dalla Via Alpina ed insumma negins rapports d'experiencia da dunhas. Cun quei

tori enten planisar las rutas e las etapas. Mo lu era da prender las dretgas decisiuns ellas muntognas per exempel concernent la segirtad. Las sfidas ellas muntogna astgan buca vegnir sutscha-

ra ein las prelecziuns da miu cudisch questa stad. En vesta a quellas sundel jeu empau agitada.

L'intervista ei vegnida menada a secret.

Tras uffiern e parvis al Cape Epic

Andrin Beeli da Sagogn ei separticipaus la davosa jamna da mars alla pli gronda cuorsa da MTB dil mund. Cun siu partenari da cuorsa Severin Disch da Tavau ha el absolviu il prolog e las siat etappas sco 26avel da 600 teams. Turnaus ell'Europa eis el cun experiencas tut specialas.

AUGUSTIN BEELI/FMR

681 kilometers e 16900 distanza d'altezia ei il pensum. Tgi che separticipescha agl ABSA Cape Epic sto esser dirs cun seze e pertscharts ch'el va in jamna tras parvis ed uffiern. «Schon dagitg eri in da mes siemis da separticipar a quella cuorsa», gi Andrin Beeli. Onn vargau ha il cyclist da Sagogn communicau ch'el termineschì sia carriera sco sportist da professiun e commember dall'equipa Scott. El renunzi buca a cuorsas, el prefereschi denton las liungas distanzas. L'entschatta mars ha gl'antierur cyclist d'elita Severin Disch da Schiers a Tavau contactau el e dumandau sch'el havessi buca tschaffen da far il Cape Epic cun el e representar la destinaziun Tavau Claustra. Quella caschun culla liunga distanza ha Andrin Beeli buca vuliu schar ir.

Dar si ei buca stau opziun

Avon dus onns haveva il comite d'organisaziun annullau l'occurranza – in gi avon la partenza. Pils atlets ch'eran semtgai alla partenza era quei stau ina gronda trumpada. Uonn ha negina pandemia saviu lavar la pli gronda cuorsa da mountainbike dil mund. «Quella vala sco Tour de France dils cyclists da muntogna», declara Andrin Beeli. L'jamna vargada eis el turnaus dil Cape Epic cun in'esperienza tut speciala. La cuorsa meina sin trutgs spuretgs, ils atlets absolvan diras ascensiuns da 20 minutas tochen in'ura, engiu va ei spertezia tochen 60 km l'ura, ins sto dar adatg extrem ed esser presents mentalmein.



Andrin Beeli en acziun, alla cuorsa Cape Epic ell'Africa dil sid han ils cyclists lagutiu bia puorla.

FOTO MAD

Il sportist sursilvan ei leds e ch'igl ei gartegiau da tener la dira. El havess giu motivs da capitular, e quei gia all'entschatta dalla cuorsa. «In gi avon il prolog sesentivel jeu fetg mal, il magun rebellava. Jeu havess buca saviu s'imaginar da far ina cuorsa dad otg gis», raquenta el.

Ina dallas cundiziuns dil Cape Epic eis ei ch'il team da dus sto absolver la cuor-

sa ensemen, ins astga mai esser pli che duas minutas in ord l'auter, schiglioc dat ei in castitg en fuorma d'in supplement da temps. Malgrad las difficultads cul magun ha Andrin finiu il prolog cun siu partenari da cuorsa cul 26avel plaz da 600 squadras. Ina da quellas Nino Schurter e Lars Forster, in'otra ils dus Lumnezians Norbert Cavegn e Ronny Cavegn.

«Morder» ei stau la devisa

«L'emprema etappa ei stada diraglia», raquenta Andrin Beeli. Naven dalla 90avel minuta hagi el stuiu ir tras gl'uffiern. «Mo il tga mava, il rest dil tgiertg buc» ha el sentiu. Dil tutfatg spossaus e dehidraus hagi el contonschiu l'arrivada. Patertgar vid ulteriuras etappas pareva utopic. Dar si fuss denton stau la davosa opziun, el ha pa-

tertgau vid siu partenari da cuorsa e probabel era vid siu pensum sco ambassadur grischun ell'Africa dil Sid. «Morder» ei la devisa d'in sportist che absolve liungas distanzas. Laguoter massa puorla e temperaturas da 35 tochen 40 grads ei stau sfidas supplementaras da quella cuorsa.

Suenter ch'el haveva giu empau appetit la sera ha el emblidau gl'uffiern. Dalla secunda tochen la siatavla etappa eis el sentius regeneraus. L'etappa treis ha il team grischun finiu sco 21avel, e la quarta eran il team denter ils emprems diesch. Severin Disch ha giu in disletg cun ina roda. Nino Schurter e Lars Forster han gidau da reparar aschia ch'igl ei stau pusseivel da cuntinuar e finir l'etappa. La tschunavla han els finiu sco 18avels e la sisavla sco 15avels. La sisavla ha menau a Stellenbosch, ina destinaziun turistica enconuschenta dall'Africa dil Sid, la siatavla finala a Val de Vie, in resort turistic gigantic plein villas e cunfinaus d'ina seiv gigantesca da segirtad. «Quella cuorsa ha era musau il contrast immens da reh e pauper en quella tiara», raquenta Andrin Beeli.

Dallas 600 squadras ha ina tiarza stuiu dar si la cuorsa. Il team Disch/Beeli ha tenu la dira e contonschiu il 26avel rang. Mintgaton freinan il tgiertg ed il material l'ambiziun. Gudignau il ABSA Cape Epic 2022 ha il duo tudestg Gregor Egger/Lukas Baum. Il team Schurter/Forster ei vegnius novavel. Nino Schurter ha gudignau duas gadas, 2017 e 2019, il Cape Epic. Ella rangaziun finala anff'ins era ils numms dil team mischedau Björn Tschennet ed Alessia Nay sco 142avels.